

全五代詩

今世文庫

全五代詩卷一

羅江李調元雨村 編

梁

趙光逢

光逢字延吉京兆奉天人唐僕射隱之子乾

符五年登進士第拜御史中丞唐亡仕梁爲

中書侍郎同中書門下平章事累遷左僕射

進司徒拜太保封齊國公

五代史光逢少以文行知名時人稱

其方直溫潤謂之玉界尺

梁郊祀樂章

全五不言
就陽位昇園丘佩雙玉御大裘膺天命擁神休萬靈
感百祿道秉黃鉞建朱旗震八表清二儀帝業顯王
道夷受景命啟皇基開九門懷百神通肸鬻接氤氲
明柔薦廣樂陳奠嘉璧燎芳薪膺寶圖執左契德應
天聖饗帝薦表衷荷靈惠壽萬年祚百世

慶和

惟德動天有感必通秉茲一德禋於六宗欽夤寶命
恭肅禮容來顧來享永穆皇風

天惟佑德辟乃奉天交感斯在昭事罔愆歲功已就
王道無偏於焉報本是用告虔

慶順

聖皇戾止天步舒遲乾乾睿相穆穆皇儀進退必肅
陟降是祇六變克協萬靈協隨

慶平

天命降鑒帝德惟馨享祀不忒禮容孔明奠璧布幣
薦神獻精神祐以答敷錫永寧

羅紹威

紹威字端已魏州貴鄉人宏信之子梁初官
魏博節度使封鄴王入朝累拜太師兼中書

令諡貞壯

北夢瑣言鄴王羅紹威喜文學好
儒士癖于七言詩江東羅隱爲錢

金五代詩名一
二
鏐客紹威申南阮之敬隱以所著文章詩賦
酬寄紹威大傾慕之乃目其所爲詩集曰偷
江東又有句云樓前澹澹雲頭日簾外
蕭蕭雨脚風今鄴中人士多爲風誦

柳

妝點青春更有誰青春常許占先知亞夫營畔風輕
處元亮門前日暖時花密宛如飄六出葉繁何惜借
雙眉交情別緒論多少好向行人贈一枝

白菊

雖被風霜競欲催皎然顏色不低摧已疑素手能妝
出又似金錢未染來香散自宜飄淥酒葉交仍得蔭
蒼苔尋思閉戶中宵見應認寒窗雪一堆

王鎔

鎔成德節度使庭湊之五世孫中和中襲位

梁受禪封趙王後爲大將張文禮所滅

五代史鎔

好左道鍊丹藥求長生與道士王若訥留遊西山登王母祠使婦維錦繡牽持而上每出逾月忘歸相傳有哭趙州和尚詩

哭趙州和尚

師離瀝水動王侯心印光潛塵尾收碧落霧霾松嶺
月滄溟浪覆濟人舟一燈乍滅波旬喜雙眼重昏道
侶愁縱是了然雲外客每瞻餅几淚還流

佛日西傾祖印墮珠沈丹沼影沈輝月敷丈室爐煙

慘風起禪堂松韻微隻履乍來留化跡五天何處又
逢歸解空弟子絕悲喜猶自潛然對雪幃

孫偃

偃字龍光武邑人乾寧中宰相仕梁同中書

門下平章事封樂安公

五代詩話偃曾乘輅至蜀訪杜光庭先生

受籙乃曰嘗遇至人語及時事每有高樓之約爾後乃登宰輔竟出家于南岳有詩寄杜其要句云蜀國信難遇楚鄉路更愁我行同范蠡師舉劾浮邱他日相逢處多應在十洲白馬驛之禍惟偃免焉

荅門生王渙李德鄰趙光允王拯長句

謬持文柄得時賢粉署清華次第遷昔歲策名皆健

筆今朝稱職並同年各懷器業寧推讓俱上青霄肯
後先何事老夫猶賦詠欲將酬和永留傳

贈南嶽僧全玘

窠居過後更何人傳得如來法印真昨日祝融峰下
見草衣便是雪山身

李琪

琪字台秀燉煌人昭宗時舉進士累官殿中
侍御史入梁爲翰林學士末帝時拜同中書

門下平章事入唐加太子少傅

北夢瑣言梁李相國琪唐

末以文學策名仕至御史昭宗播遷衣冠蕩析因與宏農楊玘藏跡於荆楚間楊卽潞蜀

琪相盤桓於夷道之清江自晦其迹號華原
李長官其堂兄光符宰宜都嘗厭薄之琪相
寂寞每臨流跋石摘樹葉而試草制詞吁嗟
快悵而投於水中梁祖受禪徵入拜翰林學
士尋登廊廟爾後宜都之子彬羈旅渚宮因
省相國乃數厥父之所短而遣之全唐詩
話琪有錄僖宗幸蜀句云哀痛不下詔登封
誰上書太平廣記曰琪父佐王鐸幕琪十
三鐸以漢祖三傑賦題試之大加稱獎他日
總角謁鐸鐸曰適蜀中詔到用夏州拓跋思
恭爲京北收復都統可作一詩否卽秉筆
立製鐸益奇之執琪手曰此真鳳毛也

奉試詔用拓拔思恭爲京北收復都統

飛騎經巴棧鴻恩及夏臺將從天上去人自日邊來
此處金門遠何時玉輦迴早平關右賊莫待詔書催

題廣愛寺楞伽上

善高天外遠方丈海中遙自有山神護應無劫火燒
壞文侵古壁飛劍出寒霄何似蒼蒼色巖妝十七朝

蕭 項

項莆田人官侍郎梁初嘗同翁承贊爲冊禮

使使閩梁末帝時拜同中書門下平章事

五代

史梁征伐四方所下詔書皆琪所爲下筆輒
得太祖意與蕭項同爲末帝宰相不相協琪
所私吏尙得試官改試爲守爲項所發末帝
大怒爲內侍趙巖等力救乃罷爲大子少保

贈翁承贊漆林書堂詩

輶車故國世應稀昔日書堂二紀歸手植松筠同茂
盛身榮金紫倍光輝入門鄰里喧迎接列坐兒童見

等威卻對芸窗勤苦處舉頭全是錦爲衣

翁承贊

承贊字文堯閩人乾寧二年登進士第又擢
宏詞科任京兆府參軍天祐元年以右拾遺
受詔冊王審知爲王梁開平四年復爲閩王

冊禮副使尋擢諫議大夫福建鹽鐵副使就
加左散騎常侍御史大夫留相閩卒所著有

書錦集宏詞前後集

竹窗襍錄承贊後失節
爲梁諫議大夫自號狎

鷗翁有詩集一卷見唐書藝文志并書博學
宏詞前後集共二十卷俱軼不傳予家收得
冊封閩王時律詩三十餘首中多佳句如窗
含孤岫影牧臥斷霞陰早涼生戶牖孤月照

關河參差鴈陣天初碧零落漁家蓼欲紅長
淮月上魚翻鬣荒渚人稀獺印蹄松多舊日
門人種路是前朝釋子開誠晚唐作手也
總龜俗云槐花黃舉子忙翁承贊詩云雨中
粧點望中黃勾引蟬聲送夕陽憶得當年隨
計吏馬蹄終日爲君忙乃知俗語亦有所自
也

晨興

晨起竹軒外逍遙清興多早涼生戶牖孤月照關河
旅食甘藜藿歸心憶薜蘿一尊如有地放意且狂歌

題莒潭安閩院

祧宗營祀舍幽異勝珠林名士穿雲訪飛禽傍竹吟
牕含孤岫影牧臥斷霞陰景福滋閩壤芳名亙古今

訪建陽馬驛僧亞齊

蕭蕭風雨建陽溪
溪畔維舟訪亞齊
一軸新詩劍潭北
十年舊識華山西
吟魂惜向江村老
空性元知世路迷
應笑乘輶青瑣客
此時無暇聽猿啼

題景祥院

一溪拖碧遶崔嵬
瓶鉢偏宜向此隈
農罷樹陰黃犢臥
齋時山下白衣來
松多往日口門人
種路是前朝釋子
開三卷貝多金粟語
可能心煉得成灰

寄舍弟承裕員外

江花岸草晚萋萋
公子王孫思已迷
無主園林饒採

伐忘情鷗鳥恣高低長江月上魚翻鬣荒圃人稀獺
印蹄何事斜陽再回首休愁離別峴山西

文明殿受冊封閩王

龍墀班聽漏聲長竹帛昭勳撲御香鳴佩洞庭辭帝
主登車故里冊閩王一千年改江山瑞十萬軍蒙雨
露光吟寄短篇追往事留文功業不尋常

御命歸鄉蒙賜錦衣

九重宣旨下丹墀面對天顏賜錦衣中使擎來三殿
曉寶箱開處五雲飛德音耳聆君恩重金印腰懸已
力微更待臨軒陳鼓吹星輶便指故鄉歸

三五代詩 卷一
天祐元年以右拾遺使冊閩王而作

蓬萊宮闕曉光勻紅案昇麻降紫宸鸞奏八音諧律
呂鳳銜五色顯絲綸蕭何相印鈞衡重韓信齋壇雨
露新得侍丹墀官異寵此身何幸沐恩頻

晨興

鼓絕天街冷露收曉來風景已堪愁槐無顏色因經
雨菊有精神爲傍秋自愛鮮飗生戶外不教閑事住
心頭披襟徐步一瀟灑吟繞盆池想狎鷗

漢上登舟憶閩

漢臯亭畔起西風半挂征帆立向東久客自憐歸路

近筭程不怕酒觴空
參差雁陣天初碧
零落漁家蓼欲紅
一片歸心隨去櫂
願言指日拜文翁

對雨述懷示弟承檢

淋淋霎霎結秋霖
欲使秦城歎陸沈
曉勢遮回朝客馬
夜聲滴破旅人心
青苔重疊對顏蒼
白髮蕭疏引越吟
不有惠連同此景
江南歸思幾般深

華下霽後曉眺

結茅幽寂近禪林
霽景烟光著柳陰
千嶂華山雲外秀
萬重鄉思望中深
老嫌白髮還偷鑷
貧對春風亦強吟
花畔水邊人不會
騰騰閑步一披襟